

Պրովետարներ բոլոր երկրների, միացե՛ք

ՀԿՊ ԿԵՆՏԿՈՄԻ
ՊՐՈՊԱԳԱՆԴԱՅԻ ԵՎ
ԱԳԻՏԱՅԻԱՅԻ ԲԱԺԻՆ

Ներքին ԲՆԱԿՆՈՏ

ОБЯЗАТЕЛЬНЫЙ
ЭКЗЕМПЛЯР

№ 6

Մ. Ա. Ր. Տ.

1955

ԲՈՎԱՆԴԱԿՈՒԹՅՈՒՆ

62

Նյութեր զրույցների համար

Ա. ՄԱԹԵՎՈՍՅԱՆ—	Եգիպտացորենը բայնորեն արմատավորենք կոլտնտեսային արտադրության մեջ	1
Ռուսական առաջին ռեկուլցիայի 50-ամյակի Վարիվ		
Մ. ՆԻԿՈԼԱՆՎ—	1905 թվականի իրադարձությունները Նևայի ուղեկալում	10
Ագիտացիոն աշխատանքի փորձից		
Գ. ԹԱԴԵՎՈՍՅԱՆ—	Ագիտությունից բարձր բերքի համար մոլոդ պայքարում	19
Գ. ՄՈՎՍԻՍՅԱՆ—	Արմատավորում է առաջավորների փորձը	28
Օգտագործի զրույցի ժամանակ		
Հոգատարություն ժողովրդի հանգստի և առողջության նկատմամբ (թվեր և փաստեր)		34
Միջազգային բեմաներ		
Ա. ԲՈՐԲՈՎՍԿԻ—	ԱՄՆ-ի քայքայիչ դործունեությունը դեմոկրատական պետությունների դեմ	39
Նոր գրքեր		50

Խմբագրության հասցեն.— Երևան, ՀԿՊ Կենտկոմ, Պրոպագանդայի և ագիտացիայի բաժին: Հեռախոս 2—52—78:

1327

ՆՅՈՒԹԵՐ ԶՐՈՒՅՑՆԵՐԻ ՀԱՄԱՐ

ՆԳԻՊՏԱՑՈՐԵՆԸ ԼՅՅՆՈՐԵՆ ԵՐՄԱՏԱՎՈՐԵՆՔ ԿՈԼՏՆՏԵՍԱՅԻՆ ԱՐՏԱԴՐՈՒԹՅԱՆ ՄԵՋ

Ա. ՄԱԹԵՎՈՍՅԱՆ

Պրոֆեսոր, գյուղատնտեսական գիտությունների դոկտոր

Անասնաբուծության զարգացման կարևորագույն միջոցառումներից մեկը դա կերի կալումն բազայի ստեղծումն է, առանց որի անհնարին է բարձրացնել նրա մթերատվությունը:

Հայկական ՍՍՌ-ում կերի կալումն բազայի ստեղծման խնդրում բնական խոտհարքների և արոտների հետ միասին մեծ նշանակություն ունի ցանովի կերաբույսերի մշակությունը: Անհրաժեշտ է ստեղծել կանաչ ու չոր խոտի, սիլոսի, խտացրած և այլ տեսակի կերերի պաշարներ:

Հատուկ ուշադրություն պետք է դարձնել շատ սիրու կուտակելու գործին: Ամենալավ սիլոսը ստացվում է եգիպտացորենից, որովհետև նա իր մեջ պարունակում է մեծ քանակությամբ քիմիական

1640-55



նակությամբ հեշտ խմորվող շաքարներ և շուտ է սիրտապահան ենթարկվում: Եգիպտացորենը իր հատիկի և կանաչ մասսայի բերքատվությամբ հացաբույսերի շարքում գրավում է առաջին տեղը:

Անասնաբուծական մթերքների արտադրությունն ավելացնելու մասին Սովետական Միության Կոմունիստական պարտիայի Կենտրոնական Կոմիտեի Հրմովարչաձև պլանումի որոշման մեջ ասված է, «Եգիպտացորենի արժեքավորությունն այն է, որ միայն այդ կուլտուրան միաժամանակ լուծում է երկու խնդիր՝ հացահատիկի ռեսուրսների համալրումը և եգիպտացորենի ցողուններից լավ սիլոսի ստացումը»: Հայտնի է, որ շատ առաջավոր տնտեսություններում եգիպտացորենի հատիկը օգտագործում են խոզերին կերակրելու համար: Գործնականում ապացուցված է, որ խոզերին եգիպտացորենով կերակրելու դեպքում, յուրաքանչյուր 4 ցենտներ եգիպտացորենի հատիկից նրանց կշիռն ավելանում է մեկ ցենտներով: Եգիպտացորենով կերակրած խոզերի ճարպի և մսի որակը բարձր է լինում:

Եգիպտացորենի ցողուններն ու տերևները նույնպես թանկարժեք կեր են հանդիսանում հատկապես խոշոր եղջերավոր անասունների համար: Այն կարելի է օգտագործել կա-

— 2 —

նաչ, չոր և սիլոսացած վիճակում: Եգիպտացորենից պատրաստած սիլոսը իր որակական ցուցանիշներով համարվում է ամենալավը:

Հայտնի է, որ եգիպտացորենից պատրաստված յուրաքանչյուր մեկ ցենտներ սիլոսը հավասարարժեք է 20—22 կերի միավորի (1 կիլոգրամ վարսակի հատիկն ընդունվում է որպես 1 կերի միավոր): Ագրոտեխնիկական նորմալ պայմաններում մեզ մոտ եգիպտացորենի յուրաքանչյուր մեկ հեկտարից հնարավոր է ստանալ 600—700 ցենտներ կանաչ մասսա: Այդ մասսայից պատրաստված սիլոսը հավասարարժեք է 12 հազար կերի միավորի, ուրիշ խոսքով՝ 120 ցենտներ վարսակի հատիկի: Հայտնի է նաև այն, որ մեզ մոտ այդքան վարսակի հատիկ հնարավոր է ստանալ 10 հեկտար տարածությունից:

Մեծ է նաև եգիպտացորենի ագրոտեխնիկական նշանակությունը: Որպես շարահերկ կուլտուրա, վճռական դեր է խաղում ինչպես դաշտային, այնպես էլ կերային ցանքաշրջանառությունում, պայքարում է մոլախոտերի դեմ, որով և նպաստում է գյուղատնտեսական այլ կուլտուրաների բերքունիության բարձրացմանը: Միաժամանակ

շատ տեղերում եգիպտացորենն օգտագործում են որպես ձյուն կուտակելու միջոց:

ՍՄԿՊ Կենտկոմի Հոմախարյան պլենումը որոշել է՝ «մեծ նշանակություն տալով եգիպտացորենի՝ որպես հացահատիկի համախառն բերքի ավելացման կարևորագույն ռեզերվի, ցանքերի ընդարձակմանը, անհրաժեշտ դոնել, մինչև 1960 թվականը եգիպտացորենի ցանքատարածությունները հասցնելու առնվազն 28 միլիոն հեկտարի: Եգիպտացորենը, որպես առավել բերքատու հացահատիկային կուլտուրա, պետք է լայն տարածում ստանա երկրի բոլոր շրջաններում»:

Պլենումի այդ որոշումները միանգամայն հնարավոր է լիովին կենսագործել Հայկական ՍՍՌ-ի բոլոր շրջաններում: Եգիպտացորենը գարնանը ցանելու դեպքում տալիս է ինչպես հատիկի, այնպես էլ կանաչ մասսայի մեծ բերք: Արարատյան դաշտի շրջաններում, ինչպես նաև նախալեռնային շրջանների ջրովի հողերում, եգիպտացորենը հնարավոր է մշակել նաև աշնանացան հացաբույսերի բերքահավաքից հետո սիլոսի համար և ստանալ յուրաքանչյուր հեկտարից 600—700 ցենտներ կանաչ մասսա:

Եգիպտացորենն ընդհանրապես բազմաթիվ ձևերով է տարածված: Հայտնի են նրա

— 4 —

կարծր, շաքարային, օսլայաշատ, ճաքվող, թեփուկավոր և այլ ձևերը:

Եգիպտացորենի այդ խմբերը իրարից տարբերվում են բույսերի բարձրությամբ, բերքատվությամբ, ձևով ու մեծությամբ, տերևների քանակով և վեգետացիայի տևողությամբ:

Մեր ռեսպուբլիկայի հողակլիմայական պայմաններում եգիպտացորենի վերոհիշյալ խմբերից հատիկի ու կանաչ մասսայի բարձր բերք ստանալու նպատակով, պետք է մշակել ատամնաձև ու կարծր խմբերին պատկանող բարձրացողուն տեսակները: Այս տեսակները ավելի շատ հատիկ և հաստ ու հյութալի ցողուններ, խոշոր ու շատ տերևներ են տալիս:

Եգիպտացորենի բերքատվության բարձրացումը խիստ կերպով կախված է ագրոտեխնիկական միջոցառումները ճիշտ ժամկետին ու բարձր որակով կատարելուց:

Բարձր բերքի վարպետները աշնանը, ժամանակին ու խնամքով կատարում են խոր վար: Այդ միջոցով հողի մեջ կուտակվում է խոնավություն և մեծ մասամբ ոչնչանում են մոլախոտերը: Եգիպտացորենի սերմերի ժլման համար ստեղծվում է նպաստավոր պայման:

Առանձնահատուկ խնամքով պետք է կա-

— 5 —

տարել եգիպտացորենի սերմացուի նախա-
պատրաստումը: Եգիպտացորենի բարձր
բերքի վարպետ, Սոցիալիստական Աշխա-
տանքի Հերոս, Ստալինյան մրցանակի լաու-
րեատ Մ. Ե. Օզյորնին սերմի նախապատ-
րաստումը սկսում է դաշտից՝ առանձնաց-
նելով այն բույսերը, որոնք փարթամորեն
աճել են, վաղահաս են ու չեն վնասվել հի-
վանդություններից և ռնհն շատ կողրեր:
Հենց այդ ամենախոշոր կողրերից էլ նա ընտ-
րում է սերմացուն: Կողրերը լավ շորացնելուց
հետո ամբողջ ձմեռը պահում է չոր ու օդա-
թափանց պահեստներում: Հայտնի է, որ
կողրերի հիմքի և ծայրի հատիկները համե-
մատաբար թույլ են զարգացած և տալիս են
թույլ ու վտիտ ծիլեր: Այդ հատիկներից
առաջացած բույսերը վատ են աճում ու
ցածր բերք են տալիս: Սերմի համար պետք
է վերցնել միայն կողրի միջին մասի հա-
տիկները: Ձմեռվա ընթացքում 3—4 անգամ
որոշում են սերմերի ծլտնակությունը: Կող-
րերից հատիկի անջատումը պետք է կատա-
րել գարնանը, ցանքից անմիջապես առաջ:
Ցանքից առաջ սերմացուն անհրաժեշտ է
սխտահանել: Ախտահանման համար պետք
է վերցնել յուրաքանչյուր մեկ տոննա եգիպ-
տացորենի սերմի համար մեկ կիլոգրամ
դրանոզան:

— 6 —

Եգիպտացորենը ջերմասեր բույս է, նրա
սերմերը համահասար են ծլտն ալն ժա-
մանակ, երբ 10 սմ. խորություն ունեցող
հողի մեջ ջերմությունը հասնում է 10—12
աստիճանի: Վաղ ցանքի դեպքում սերմերը
չեն ծլտն, այլ նեխվում են: Սովորաբար
պետք է եգիպտացորենի ցանքը կատարել
դաշտային աշխատանքները սկսելուց 25—
30 օր հետո:

Եգիպտացորենի բերքի բարձրացման գոր-
ծում վճռական նշանակություն ունի ցանքի
ձևը և հեկտարի լիարժեքությունը:

Վերջին տարիներում առաջավորների փոր-
ձը միանգամայն ապացուցեց եգիպտացորե-
նի քառակուսի-բնային ցանքի առավելու-
թյունները:

ՍՄԿՊ Կենտկոմի պլենումը որոշել է
բարձր բերք ստանալու համար եգիպտացո-
րենի ցանքը կատարել քառակուսի-բնային
եղանակով՝ բնում թողնելով, որպես կանոն,
երկուական ցողտն: Եգիպտացորենի քառա-
կուսի-բնային ցանքի պայմաններում միջ-
շարքային տարածությունը թողնելով 70 սմ.
և յուրաքանչյուր բնում երկուական բույս,
մեկ հեկտարի վրա կստացվի 40—41 հազար
ցողուն: Բարձր ագրոտեխնիկայի կիրառման
դեպքում (հողի հիմնական ու նախացան-
քային մշակում, սերմը ճիշտ ձևով նախա-

— 7 —

պատրաստելը, ցանքը ճիշտ ժամանակին կատարելը, ցանքերի լավորակ խնամքը և այլն) եգիպտացորենը տալիս է մեծ աճ: Այս դեպքում յուրաքանչյուր բույսի վերերկրյա մասսան կանաչ վիճակում երկու կիլոգրամ մից ավելի քաշ է ունենում: Եգիպտացորենի յուրաքանչյուր հեկտարի վրա 40—41 հազար բույս աճեցնելու պայմաններում, եթե յուրաքանչյուր բույսի կանաչ մասսան ունենա անգամ մեկ կիլոգրամ քաշ, հեկտարից կատացվի 400 ցենտներ կանաչ մասսա, իսկ երբ յուրաքանչյուր բույսի կանաչ մասսայի միջին քաշը լինի մեկ ու կես կիլոգրամ, ապա կատացվի մոտ 600 ցենտներ բերք:

Եգիպտացորենի բառակուսի-բնային ցանքի դեպքում ոչ միայն բարձր բերք է ստացվում, այլև հնարավոր է լինում ցանքերի մշակության և խնամքի աշխատանքներն ամբողջապես մեքենայացնել: Այն վայրերում, ուր եգիպտացորենը ցանվում է թեքությունների վրա, անհրաժեշտ է ցանքը կատարել շարքերով: Այդ պայմաններում միջշարքային տարածությունը պետք է հավասարապես 70 սմ. լինի, իսկ միջբնային տարածությունը՝ 50 սմ., յուրաքանչյուր բնում թողնելով երկուսական բույս: Ցանքի ալապիսի ձևի դեպքում յուրաքանչյուր հեկտարի վրա հնարավոր է աճեցնել 56—57 հազար բույս: Յուրա-

— 8 —

քանչյուր հեկտարում պետք է ցանել 30—45 կիլոգրամ սերմ:

Եգիպտացորենի բարձր բերքի վարպետները մեծ ուշադրություն են դարձնում նոսրացման վրա, այդ աշխատանքը կատարում են, երբ բույսերը ունենում են 4—5 տերև, թողնելով յուրաքանչյուր բնում երկուսական բույս:

Եգիպտացորենի դաշտում միջշարքային տարածությունները անհրաժեշտ է մշակել: Առաջին փխրեցումը պետք է կատարել, երբ առաջացել են 4—5 տերև, երկրորդը՝ երբ բույսերի բարձրությունը հասել է 20 սմ.-ի, երբ բույսերի բարձրությունը հասնում է 60 սմ.-ի, պետք է կատարել երրորդ փխրեցումը, իսկ չորրորդ փխրեցումը պետք է կատարել, երբ բույսերն արձակում են հուրաններ: Եգիպտացորենը ջրի մեծ պահանջ է զգում ծաղկման և հատիկի կազմակերպման շրջանում:

Զինված ՍՄԿՊ Կենտրոնական Կոմիտեի Հունվարյան պլենումի որոշումներով՝ մեր կոլտնտեսությունները ժամանակին ու բարձր ցրակով կկատարեն եգիպտացորենի մշակությունը և կստանան բարձր բերք:

1905 ԹՎԱԿԱՆԻ ԻՐԱԴԱՐՁՈՒԹՅՈՒՆՆԵՐԸ ՆԵՎԱՅԻ ՈՒՂԵԿԱԼՈՒՄ

(Թանվորական դեպուտատների Պետերբուրգի
Սովետի անդամ Մ. Պ. ՆԻԿՈԼԱՆՎԻ հիշողու-
թյունները)

Հիսուն տարի առաջ մեր երկրում տեղի
ունեցավ իմպերիալիզմի ցարաշրջանում ա-
ռաջին ժողովրդական ռևոլյուցիան, որը
լենինի արտահայտությամբ հանդիսացավ
1917 թվականի Հոկտեմբերյան Սոցիալիս-
տական Մեծ ռևոլյուցիայի նախերգանքն ու
գլխավոր փորձը:

Ես լավ եմ հիշում շաբաթ օրվա երեկոն —
հունվարի 9-ի նախօրյակը: Մի խումբ
սոցիալ-դեմոկրատներ, որոնց թվում և ես,
հավաքվել էին «Վիեննա» (Ներկայիս Բա-
բուշկինի անվան) զբոսայգու մոտ գտնվող
թեյարանում: Այդ օրերին Պետերբուրգի
բոլշևիկների կոմիտեն մի թուուցիկ էր լույս
ընծայել, որի մեջ բանվորներին պարզաբա-
նում էր Գապոնի սարքած խաղի իմաստը:
Այն հարցերը, որ բարձրացվել էին այդ

— 10 —

թուուցիկում, մենք կրկին քննության էինք
առնում: Հավաքվածների մեջ էին Մամյա
Բելովան և Ալեքսանդրովսկու գործարանի
(այժմ՝ պրոլետարական շրգեքարշանտոդ-
ման գործարան) բանվոր Ֆյոդոր Արկադևը,
որոնք հաջորդ օրը ընկան ցարական զբո-
րակներից:

Հունվարի 9-ի առավոտյան մենք զնա-
ցինք դապոնյան բաժանմունք: Այստեղ ար-
դեն հավաքվել էին մոտ տասնհինգ հազար
բանվորներ՝ Սեմյաննիկովի և Ալեքսան-
դրովսկու գործարաններից, Պալի (այժմ՝ Նո-
գինի անվան) ֆաբրիկայից, Տորնտոնի ֆաբ-
րիկայից (այժմ՝ Թելմանի Մահուդի կոմ-
բինատ) և Նևայի ուղեկալի մյուս ձեռնար-
կություններից: Շլիսելբուրգի անցուղիները
(այժմ՝ օբոխովյան պաշտպանության պո-
ղոտա) ողողված էին դանդաղորեն առաջ
շարժվող մարդկանցով:

Հրշեջների շենքի մոտ, երթի առաջ, դուրս
եկան կազակները:

— Ե՛տ դարձ, — բղավեց մի սպա:

Ամբոխի մեջ իրարանցում ընկավ: Այդ
պահին կազակները համազարկեր տվեցին
օդում: Բանվորներն սկսեցին ջարդել Նևայի
կողմից փողոցի երկարությամբ ձգվող պա-
րիսպներն ու իրենց նետել սառցի վրա: Գե-
տի աջ ափով ժողովուրդը առանձին խմբե-

րով շարունակում էր առաջ գնալ դեպի պա-
լատ: Ոմանք ամիով գնացին հասան Տրոից-
կու կամուրջը (այժմ Կիրովյան կամուրջ):
Մի այլ խումբ բանվորներ, որոնց մեջ էի
ես, նորից անցան Նևան և դուրս եկան Նե-
վայի պողոտան: Ամենուրեք զինվորներ
էին, որոնք զենքերը բուրգաձև իրար կըպ-
ցրած տաքանում էին խարույկների մոտ:

Հեծյալ զորադուլոյների շղթան ճեղքել-
անցնելով, մենք դուրս եկանք հասանք մին-
չև Ալեքսանդրովսկու զբոսայգու (այժմ՝ Ա.
Մ. Գորկու անվան զբոսայգի) ցանկապա-
տը՝ Պալատի առջևի հրապարակի մոտ: Այս-
տեղ զինվորներն իրար կպած՝ մի պատնեշ
էին կազմում:

Սպան բղավում էր երթի մասնակիցների
վրա և հրամայում ցրվել: Մեզնից ոմանք
ցանկապատի վրայով ներս մտան Ալեք-
սանդրովսկու զբոսայգին: Հանկարծ փող
փչեցին և հրացաններով համազարկ տվին:
Ես ընկա փախչողների ոտքերի տակ: Իսկ երբ
վեր կացա, նորից ճարճատում էին գնդակ-
ները: Իմ կողքին արնաշաղախ եղավ մի
կին, որի ստորին ծնոտը փշրվել էր գնդա-
կից: Աչքերը չռած, գետին էր փռվել Մանյա
Բելովան: Գնդակը կպել էր նրա ուղիղ ճա-
կատին, Ֆյոդոր Արկադևի կուրծքը ծակեցին
երեք գնդակ: Ես թեթև վիրավորվեցի գլխի-

— 12 —

ցրս: Բանվորները մի կողմ էին քաշում
սպանվածներին և օգնում վիրավորներին:
Մոլկայի վրա գտնվող վիրակապման կա-
յանում ինձ մոտեցավ մի բժշկական կին
աշխատող և ախանջիս ասաց, որ դրանցման
ժամանակ ես չասեմ իմ իսկական հաս-
ցեն, որովհետև հետագայում կարող են ինձ
բանտարկել:

Երբ ես վիրակապական կայանից դուրս
եկա, Նևայի պողոտայում մարդիկ սկսեցին
ինձնից հարցնել գնդակոծության մանրա-
մասնությունները: Ես նրանց պատմում էի
անգին ժողովրդի նկատմամբ ցարի վայրագ
դատաստանի մասին, բայց այդ պահին ե-
րևացին հեծյալ զորադուլոյներ և ցրեցին
ամբոխին: Իսկ ինձ սպառնացին բանտար-
կություն:

Ես Նևայի ուղեկալ վերադարձա միայն
հաջորդ օրը՝ առավոտյան: Հարազատներս և
ծանոթներս կարծում էին, որ ես սպան-
ված եմ:

Կառավարությունը ճգնում էր թաքցնել իր
այդ ոճրագործության հետքերը: Երեկոյան
զորքերը հապճեպորեն հավաքում էին սպան-
վածների դիակները և պարկերի մեջ լցրած
տանում ամենահեռավոր Պրեոբրաժենսկու
դերեզմանատուն:

Հունվարի 9-ի իրադարձությունները բան-

— 13 —

վորներին սովորեցրին, որ դասակարգային հակասութիւնները լուծվում են ոչ թե խընդրագրերով, այլ զենքի ուժով:

«Արյունոտ կիրակին» ամբողջ երկրում մասսայական ռևոլյուցիոն շարժման սկիզբ դրեց: Պետերբուրգի բանվորները այդ արյունալի սպանդին պատասխանեցին ընդհանուր գործադուլով, որն ավարտվեց հունիսի 17-ին, իսկ խոշորագույն գործարանների՝ Պուտիլովի, Բալթիկայի, Օբուխովի և այլ ձեռնարկութիւնների բանվորները գործադուլ էին անում դեռ փետրվարին էլ:

Հունվարի 9-ից հետո Պետերբուրգի գեներալ-նահանգապետ նշանակվեց գեներալ-մայոր Տրեպովը: Նա որոշեց կազմակերպել և ցարի մոտ ուղարկել «բանվորական պատգամավորութիւն»: Ոստիկանութիւնը գործարաններից ու ֆաբրիկաներից հավաքագրեց ցարին նվիրված 34 բանվոր և ուղարկեց Ցարսկոյե Սելո: Նիկոլայ 2-րդը իր շքախմբով դուրս եկավ և առանց նրանց նայելու մի թուղթ կարդաց, թե ինքը «անբոլոր է» բանվորներին՝ նրանց «մեղքերի» համար: Բոլոր գործարաններում բանվորները մեծ նողկանքով դիմավորեցին ցարի մոտ պատգամավորութիւնն ուղարկելու և նրա «ներողամիտ» լինելու մասին լուրը:

Պետերբուրգի բանվորների կարիքները

— 14 —

բնութիւնն առնելու համար ցարական կառավարութիւնը ստիպված եղավ ստեղծել Շիդլովսկու հանձնաժողովը: Բայց դա էլ մի տրյուկ էր, որ նպատակ ունէր բանվորներին հետ պահել ռևոլյուցիոն պայքարից և խուսափել բոլշևիկների մերկացումներից:

Մարտի 24-ին Ալեքսանդրովսկի և Մուրզինսկի բանվորները Պյոտրի և Պավելի եկեղեցում կազմակերպեցին արյունոտ կիրակիի զոհերի հոգեհանգիստ: Իսկ հոգեհանգրստից հետո բոլշևիկները եկեղեցու մոտ անցկացրին միտինգ, որտեղ մեկ անգամ ևս մերկացրին դահիճ-ցարի և նրա կառավարութիւնն նողկալի գործողութիւնները: Այդ ժամանակ Պալի ֆաբրիկայից փախած ջուհակները հայտնեցին, որ իրենց ֆաբրիկայի վարպետ Կոլյանսկին սպանեց բանվոր Ֆիլիպ Ալեքսեևին: Բոլորը խիստ ազդվեցին այդ լուրից: Հետևյալ օրը Ալեքսեևի թաղումը վերածվեց մի հզոր ցույցի, որին շարողացան խանգարել միմեջ և անգամ կազակներն ու ոստիկանութիւնը:

Մեծ ցույց տեղի ունեցավ նաև մայիսի 1-ին, Պրեոբրաժենսկու գերեզմանատանը, որտեղ հավաքվել էին Պետերբուրգի բոլոր գործարանների ներկայացուցիչները, որպեսզի հարգեն հունվարի 9-ի զոհերի հիշատակը:

— 15 —

Նևայի ուղեկալի գործարաններում այդ ժամանակ գործադուլները սովորական երե-
վույթ դարձան: Բանվորները պահանջում էին
բարեկամել իրենց դրուժյունը, իրենց ատե-
լի վարպետներին ու պետերին դնում էին
կեղտոտ սալակների վրա ու դուրս վաճա-
րում ֆաբրիկաներից ու գործարաններից:
Հիշում եմ, թե ինչպես մայիսի վերջին, երբ
հայտնի դարձավ Ցուսիմայի կատաստրոֆը,
գումարվեց Օբուխովի գործարանի բանվոր-
ների մեծ միտինգ: Միտինգում ընդունվեց
մի բանաձև, որով կառավարությունից պա-
հանջում էին անհապաղ վերջ տալ խայտա-
ռակ պատերազմին:

ՌՍԴԲՊ 3-րդ համագումարից հետո Վ. Ի.
Լենինի պնդմամբ ՌՍԴԲՊ Պետերբուրգի կո-
միտեին կից ստեղծվեց մարտական բաժին,
որն զբաղվում էր բանվորներին զինելու
գործով: Ես գործարանային մարտական ջո-
կատի շարքային անդամ էի:

Հուլիսի 9-ին Օբուխովի գործարանի բան-
վորները գործադուլ արին և ցույց կազմա-
կերպեցին: Ցույցը կազակների հարձակում-
ներից պաշտպանում էին բանվոր բոլշևիկ-
ները: Նույն օրը, նշելով «Արյունոտ կիրա-
կի»-ի կիսամյակը, Պետերբուրգում գործա-
դուլ արեցին նաև մյուս գործարանները,
ընդամենը վաթսուհին հազարից ավելի մարդ:

— 16 —

Հուլիս-սեպտեմբերին մուրզինսկի ամսա-
սում գիշեր-ցերեկ տեղի էին ունենում բան-
վորական ժողովներ: Բանվորները հավաք-
վում էին Նևայի ուղեկալի նաև այլ խուլ
անկյուններում: Իվանով-Վոզնեսենսկիի
ջուհակների գործադուլը, Լոձի ապստամբու-
թյունը, վերջապես «Պոտյոմկին» զրահանա-
վի ապստամբությունը՝ այս բոլոր իրադար-
ձությունները քննության էին առնվում բան-
վորական ժողովներում:

Հոկտեմբերը բուռն իրադարձություննե-
րով սկսվեց Նևայի ուղեկալում: Մոսկվայի
պրոլետարիատի սեպտեմբերյան քաղաքա-
կան գործադուլը լարված դրուժյուն ստեղ-
ծեց ամբողջ Պետերբուրգում, իսկ հոկտեմ-
բերի 5-ին գործադուլ սկսվեց մեր գործա-
րանում, ինչպես նաև քաղաքի մյուս գոր-
ծարաններում: Հոկտեմբերի 17-ին գործա-
դուլն ընդգրկեց ամբողջ Ռուսաստանը:

Գործադուլի սկզբում բանվորներն աշխա-
տում էին ամուր կապ ստեղծել միմյանց
միջև: Հոկտեմբերի 10-ին գործարանների
պատգամավորները հավաքվեցին Տեխնոլո-
գիական ինստիտուտում: Այստեղ որոշվեց
ստեղծել ընդհանուր բանվորական կոմիտե՝
պրոլետարիատի քաղաքական և տնտեսա-
կան պայքարը ղեկավարելու համար: Ժողո-
վը որոշեց այդ մասին հայտնել բոլոր գոր-

— 17 —

1640-55

ծարաններին ու ֆաբրիկաներին և անաջարկել նրանց ամենակարճ ժամանակամիջոցում ընտրելու մեկական դեպուտատ՝ յուրաքանչյուր հինգ հարյուր մարդուց: Այդպես ծնունդ առան բանվորական դեպուտատների Սովետները:

Ես Պետերբուրգի Սովետում ընտրված դեպուտատներից մեկն էի՝ Օբուխովի գործարանից: Այն ժամանակ իմ մականունն էր «Պետուշկով», այդ անվամբ էլ ես աշխատում էի Սովետում: Պետերբուրգի Սովետը որոշեց հրատարակել իր տպագիր օրգանը: Այն զինված ջոկատը, որի մեջ էի և ես, բռնագրավեց «Նովոյե վրեմյա» թերթի տպարանը: Այստեղ սկսեցին տպագրել «Իզվեստիա Սովետա Ռաբոչիխ դեպուտատով» թերթը:

Բանվոր դասակարգի համար դաժան դրություն հանդիսացավ 1905 թվականը: Շատ բան հասկացա այն ժամանակ և ես. ինձ բախտ վիճակվեց մասնակցել նաև Հոկտեմբերյան Սոցիալիստական Մեծ ռևոլյուցիային: Իսկ այժմ, մեր ժողովրդական իշխանության օրոք այնքան բերկրալի է կյանքը, որ ես, չնայած պատկառելի հասակիս, դեռ երիտասարդ եմ զգում ինձ:

Գրի անամ ԶՈՒ. ԼԵՍԻՑԻՆԻ

ԱԳԻՏԱՑԻՈՆ ԱՇԽԱՏԱՆՔԻ ՓՈՐՁԻՑ

ԱԳԻՏԱՑԻՈՆԱԿԱՆ ԲԱՐՁՐ ԲԵՐԲԻ ՀԱՄԱՐ ՄՂՎՈՂ ՊԱՅԳԱՐՈՒՄ

Արտաշատի շրջանի Անաստասավանի «Փարիզյան կոմունայի» անվան կոլտնտեսության ագիտկոլեկտիվի ղեկավար Գ. ԹԱԴԵՎՈՍՅԱՆԻ պատմամբ:

Մեր կոլտնտեսությունը սարեցտարի ամրապնդվում է թե՛ տնտեսապես և թե՛ կազմակերպչորեն: Ամեն տարի մեր կոլտնտեսականները բամբակի, խաղողի և մշակվող մյուս կուլտուրաների բարձր բերք են ստանում, որի շնորհիվ անընդհատ ավելանում են կոլտնտեսության եկամուտները, կոլտնտեսականներն ավելի շատ դրամ և գյուղատնտեսական մթերքներ են ստանում իրենց աշխօրերի դիմաց: Անցյալ տարի մեր կոլտնտեսության համախառն եկամուտը կազմեց մոտ 12 միլիոն ռուբլի, 1946 թվականի 2 միլիոն 767 հազար ռուբլու փոխարեն, իսկ յուրաքանչյուր աշխօրի արժեքը, կազմեց 40 ռուբլի: Կոլտնտեսականներից շատերն իրենց վաստակած աշխօրերի դիմաց

ստացան 20-ից մինչև 43 հազար ուսուցիչ դրամ, մեկից մինչև երկու տոննա հացահատիկ, երեքից մինչև յոթը տոննա խաղող, 200-ից մինչև 600 կիլոգրամ շամիչ և այլ մթերքներ: Այդ բոլորից բացի, 1954 թվականի եկամուտներից կուտնտեսության անբաժանելի ֆոնդին հատկացվեց 1 միլիոն 257 հազար 210 ուսուցիչ: Անցյալ տարի շահագործման հանձնվեց մեքենայացված և էլեկտրիֆիկացված 3 կովանոց և երկու հորթանոց: Անցյալ տարի կառուցվեց և շահագործման հանձնվեց 4 պահեստ, մեկ ձիանոց, 3 օժանդակ շենք, անասնաբուժարան, բամբակի չորանոց և արտադրական այլ օբյեկտներ:

Մեր կուտնտեսության հաջողությունների մասին շատ բան կարելի է ասել, բայց ես ցանկանում եմ պատմել այն մասին, թե ինչ է արել ագիտկուլեկտիվը, ինչ են արել ագիտատորները այդ հաջողությունների ձեռք բերման գործում:

Ամենից առաջ պարտկազմակերպությունը կուտնտեսային աշխատավորների մեջ կատարվող քաղաքական ագիտացիան. ամբողջությամբ իսպաս է դրել գյուղատնտեսության զարգացման վերաբերյալ պարտիայի ու կառավարության կողմից առա-

— 20 —

ջադրվող խնդիրները պատվով կատարելու գործին:

Ագիտկուլեկտիվը գյուղատնտեսական տարվա սկզբից սովորաբար իր աշխատանքն սկսում է նրանով, որ կուտնտեսության բրիգադաներում, օղակներում և անասնապահական ֆերմաներում լայնորեն ծավալում է սոցիալիստական մրցութայինը: Մեզ մոտ յուրաքանչյուր ագիտատոր հանդես է գալիս որպես սոցիալիստական մրցության կազմակերպիչ:

Հենց այդպես սկսեցինք մեր ագիտկուլեկտիվի աշխատանքն այս տարի: Ագիտատորների օգնությամբ բրիգադաները-բրիգադաների, օղակները-օղակների և կուտնտեսականները միմյանց հետ մտան սոցիալիստական մրցության մեջ՝ ստանձնելով կոնկրետ պարտավորություններ: Այդ կապակցությամբ ագիտկուլեկտիվը պարբերաբար նիստեր է ունենում, ուր ագիտատորները փորձի փոխանակման կարգով պատմում են բարձր բերքի և բարձր մթերատվության համար ծավալված սոցմրցության արդյունքների մասին: Օրինակ, վերջերս ագիտկուլեկտիվի հերթական նիստում ագիտատորներ Գ. Ստեփանյանը և Կ. Տրդատյանը պատմեցին դարձան գյուղատնտեսական աշխատանք-

ները սեղմ ժամկետներում և բարձր ցուցանիշներով կատարելու համար ծավալված մրցության ընթացքի մասին: Ազիտատոր Գ. Ստեփանյանը անցյալ տարվա իր կատարած աշխատանքից կոնկրետ օրինակներ բերեց, թե ինչպես մրցությունը դառնում է ավելի արդյունավետ, երբ բամբակի, խաղողի, բանջարաբուստանային, հացահատիկային և բոլոր մյուս կուլտուրաների մշակության ու բերքահավաքի աշխատանքներում արմատավորվում է մանր խմբային և անհատական գործավարձը: Դա հնարավորություն է տալիս լրացուցիչ վարձատրություն տալ կուլտնտեսականներին, մի բան, որ լավագույն միջոց է կուլտնտեսականների նյութական շահագրգռվածությունը բարձրացնելու համար:

Ավարտելով 1954 թվականի գյուղատնտեսական տարին, սոցմրցության բազմաթիվ առաջավորներ լավ աշխատանքի համար ստացան լրացուցիչ վարձատրություն: Մեր ազիտատորները օգտագործելով այդ փաստը, կուլտնտեսականներին գործնականում ցույց տվեցին, որ կուլտնտեսությանը ավելի շատ եկամուտ բերող օղակները վարձատրվում են ավելի շատ, հետևաբար, յուրաքանչյուր կուլտնտեսական պետք է ձգտի

— 22 —

բարձրացնել մշակվող կուլտուրաների բերքատվությունը:

Ազիտկոլեկտիվը լուրջ ուշադրություն է դարձնում կուլտնտեսային աշխատանքի առաջավորների փորձը մասսայականացնելու և արմատավորելու վրա: Ազիտատորները հաճախակի կազմակերպում են ռեժիսորների հանդիպումներ Սոցիալիստական Աշխատանքի Հերոսների և Համամիութենական գյուղատնտեսական ցուցահանդեսի մասնակիցների ու թեկնածուների հետ: Այսպես, օրինակ, ազիտատորներ Ժ. Սահակյանը, Մ. Աբրահամյանը և մյուսներն իրենց բրիգադաներում անցյալ տարի մի քանի անգամ կազմակերպեցին Սոցիալիստական Աշխատանքի Հերոս Անդրանիկ Մուրադյանի հանդիպումը կուլտնտեսականների հետ, որը հանգամանորեն պատմեց իր աշխատանքի փորձի մասին:

Ազիտացիան ավելի նպատակասլաց դարձնելու նպատակով մեզ մոտ խոշոր ուշադրություն է դարձվում գյուղատնտեսության հետագա զարգացման վերաբերյալ պարտիայի ու կառավարության որոշումները կուլտնտեսականներին պարզաբանելու, ինչպես նաև սոցիալիստական գյուղատնտեսության նվաճումները նրանց մեջ մասսա-

յակաճանցնելու վրա: Այդ գործում մեք լայնորեն օգտագործում ենք քաղաքական ագիտացիայի բոլոր ձևերն ու միջոցները: Բացի ունկնդիրների հետ զրույցներ, թերթերի և ամսագրերի ընթերցանություն ունենալուց, նրանց հետ միասին մրցության արդյունքները քննարկելուց, գյուղատնտեսության առաջավորների հանդիպումներ կազմակերպելուց, մենք լայնորեն օգտագործում ենք նաև ցուցադրական ագիտացիան: Կոլտնտեսության ակումբում երեք սենյակներ, ինչպես նաև առավել աչքի ընկնող տեղերն օգտագործվում են ցուցադրական ագիտացիայի համար: Հենց վերջերս կազմակերպեցինք ցուցադրական ագիտացիոն նյութերի հատուկ անկյուն՝ նվիրված ՍՄԿՊ Կենտկոմի Հոսովյարյան պլենումի որոշումներին: Բացի դրանից, յոնեինք հատուկ ստենդ՝ նվիրված ՍՄԿՊ Կենտկոմի Սեպտեմբերյան պլենումի որոշումներին:

Դիտելով ցուցադրական ագիտացիոն նյութերը՝ պլակատները, լոզունգները, ֆուտուրկարները, դիագրամաները, կոլտնտեսականները պարզ պատկերացում են ունենում այն վիթխարի աշխատանքի մասին, որ այժմ կատարվում է մեր երկրում գյուղատնտեսության և անասնաբուծության հետա-

— 24 —

գա զարգացման համար: Միաժամանակ ցուցադրական ագիտացիայի միջոցով կոլտնտեսականները տեղյակ են լինում կոլտնտեսության առջև դրված կոնկրետ խնդիրներին: Օրինակ, մի մեծ ստենդ ցույց է տալիս, թե ինչի համար է պայքարում մեր կոլտնտեսությունն այս տարի: Այստեղ գեղարվեստորեն, ձևավորված պլակատներից ամեն մի դիտող անմիջապես կարող է իմանալ, որ այս տարի կոլտնտեսությունը պայքարում է յուրաքանչյուր հեկտարից, անցյալ տարվա 24 ցենտների փոխարեն 35 ցենտներ բամբակ, 320 ցենտների փոխարեն 400 ցենտներ բանջարեղեն, 125 ցենտների փոխարեն 130 ցենտներ խաղող ստանալու համար:

Որպեսզի ցուցադրական ագիտացիան լինի ավելի արդյունավետ, մենք ագիտկուլեկտիվի նիստերում հաճախակի քննության ենք արժանում այն հարցը, թե ո՞ր ագիտատորը իր զրույցի ժամանակ ինչպե՞ս է օգտագործում ցուցադրական ագիտացիոն նյութերը: Այնուհետև, այդ կապակցությամբ, ագիտատորներին տրվում է համապատասխան հրահանգավորում: Մեր ագիտկուլեկտիվի աշխատանքի փորձը նկատի ունենալով, ես

— 25 —

պետք է տեսն, որ աշխատավորներէ հետ կատարվող քաղաքական ագիտացիան ամբ- յի հետաքրքիր ու բովանդակալից դարձնե- լու գործին մեծ շափով նպաստում է նաև այն հանգամանքը, երբ պարբերաբար ստուգվում է, թե ինչպես է անցկացվում զրույցը: Չէ՞ որ լինում են այնպիսի ագի- տատորներ, որոնք լրջորեն չեն նախապատ- րաստվում ագիտացիոն զրույցին և ռմկըն- դիրները դժգոհ են մնում նրանցից: Այդ ա- նախորժ երևույթը կանխելու նպատակով պարտքւոյրոյի հանձնարարութեամբ կազ- մակերպում ենք ագիտացիոն զրույցի ռմ- կընդրում: Նկատված թերութեանների մա- սին տեղյակ ենք պահում տվյալ ագիտա- տորին և օգնում արագ կերպով վերացնելու թերութեանները:

Ագիտացիոն զրույցները քաղաքական բարձր մակարդակով անցկացնելու գործում մեծ դեր են խաղում ագիտատորների սեմի- նար պարապմունքները: Մեզ մոտ ամիսը 2 անգամ ագիտատորների համար սեմինար պարապմունք է կազմակերպվում: Սեմինար- ներում ագիտատորները մեթոդական օգնու- թյուն են ստանում, թե ինչպես կոլտնտե- սականներին պարզաբանել հանձնարարված թեման: Անցյալ ամսում, օրինակ, 2 անգամ

սեմինար պարապմունք տեղի ունեցավ, որ ՍՄԿՊ Կենտկոմի Հոլովարչան պլենումի ո- թոշումը կոլտնտեսականներին պարզաբա- նելու վերաբերյալ լավից քնկ. Մ. Մովսիս- յանի հրահանգչական զեկուցումը: Մեկ տասնօրյակից հետո սեմինարում փորձի փոխանակման կարգով № 14, 10, 12 բրիգադաների ագիտատորները պատմեցին, թե իրենք ինչպես են կոլտնտեսականներին պարզաբանել ՍՄԿՊ Կենտկոմի Հոլովարչան պլենումի որոշումները:

Այսպիսով, ինչպես տեսնում ենք, ագիտ- կոլեկտիվի լավ աշխատանքից է կախված ագիտացիոն զրույցի հաջողութեանը, նպա- տակասլաց, հետաքրքիր ու բովանդակալից լինելը: Այդ նկատի ունենալով, պարտկազ- մակերպութեանը ամեն կերպ ձգտում է ու- ժեղացնել քաղաքական-քաջատրակաւն աշ- խատանքը կոլտնտեսականների մեջ, հիշե- լով մեծ կենիւնի այն խոսքերը, որ պետու- թյունը ուժեղ է մասսաների գիտակցակա- նութեամբ: Նա ուժեղ է այն ժամանակ, երբ մասսաները ամեն ինչ գիտեն, ամեն ինչի մասին կարող են դատել և ամեն ինչի գը- նում են գիտակցորեն:

ԱՐՄԱՏԱՎՈՐՎՈՒՄ Է ԱՌԱՋԱՎՈՐՆԵՐԻ ՓՈՐՁԸ

Գ. Մովսիսյան

Օրեանի Կանազ գործարանը արդեն երրորդ տարին է, ինչ սոցիալիստական մրցության մեջ մտնելով ՌՍՖՍՌ-ի համապատասխան գործարանի հետ, հաղթող է դուրս գալիս այդ մրցությունից: Հատկապես բարձր ցուցանիշների է հասել 3—1 ցեխը, որը առաջատար նշանակություն ունի գործարանում:

Գործարանի արտադրական բարձր ցուցանիշների հասնելու գաղտնիքը ամենից առաջ բացատրվում է ռացիոնալիզատորական ու նորարարական բազմաթիվ առաջարկությունների ներդրմամբ: Բավական է ասել, որ միայն վերջին երկու տարվա ընթացքում գործարանի տեխնիկական խորհուրդը ստացել է 220 ռացիոնալիզատորական ու նորարարական առաջարկություն, որից արտադրության մեջ արդեն արմատավորվել է 121-ը: Այդ առաջարկությունների ներդրումից գործարանի

— 28 —

3—1 ցեխի առաջին և երկրորդ կորպուսները միայն 1954 թվականի ընթացքում խնայել են 167 հազար կիլովատ-ժամ էլեկտրաէներգիա, հսկայական չափերի հասնող հումք և երկրի տվել են մի քանի միլիոն ռուբլու արտապահային արտադրանք:

Ռացիոնալիզատորական ու նորարարական առաջարկությունները արմատավորելու գործին ամենօրյա անհրաժեշտ ղեկավարություն և օգնություն են ցույց տալիս գործարանի դիրեկցիան և պարտքյուրոն: Ընդամենը երկու ամիս առաջ էր, ինչ պարտքյուրոն իր նիստերից մեկը նվիրելով ռացիոնալիզատորական ու նորարարական առաջարկությունների ստացման ու ներդրման հարցերին, վեր հանեց տեխնիկական խորհրդի աշխատանքում տեղ գտած թերությունները և նշեց դրանք վերացնելու կոնկրետ միջոցառումները:

Արմատավորվող նոր առաջարկությունները բանվորների մեջ պրոպագանդելու գործում իրենց հերթին մեծ աշխատանք են կատարում նաև գործարանի ցեխային, հերթափոխային և բրիգադային ագիտատորները: Առանձնապես խրախուսելի է 3—1 ցեխից ագիտատորներ՝ Ա. Շահնազարյանի և Խ. Փիլթակյանի, անողային տնտեսությունից՝ Շ. Խաչատրյանի և Շ. Սարգսյանի լավ աշխատանքը:

— 29 —

ներանցից յուրաքանչյուրը իր ագիտացիոն գրույցի ընթացքում հաճախակի անդրադառնում է առաջավորների փորձը, արտադրության մեջ արմատավորելու հարցերին: Այսպես, օրինակ, ագիտատոր Խաչիկ Փիլթակյանը, որը աշխատում է էլեկտրալիզի ցեխի հերթափոխության պես, վերջերս այդ թեմային նվիրված իր գրույցում ասաց.

— Պարտիան և կառավարությունը իրենց վերջին որոշումներում մեծ տեղ հատկացրին արդյունաբերության բոլոր ճյուղերում. շեշտակի վերելք ստեղծելուն: Իսկ այդ նպատակին հասնելու համար խոշոր դեր են խաղալու տեխնիկական պրոցեսների մեջ ներդրվող կատարելագործումները: Ապա կանգ առնելով գործարանի ձեռք բերած արտադրական հաջողությունների վրա, ագիտատորը նշում է նաև այն մարդկանց անունները, որոնք իրենց ռացիոնալիզատորական ու նորարարական առաջարկություններով նպաստել են պլանների կատարմանն ու գերակատարմանը և սվել են սահմանված քանակից ավելի շատ արտադրանք:

— Դուք, բոլորդ, լավ եք ճանաչում Սարգիս Ավագյանին, — համոզիչ տոնով բացատրում է ագիտատորը, — նա մեզ մոտ աշխատում է գործարանը շահագործման համը-

— 30 —

ներու օրից: Նա էլ մեզ նման շարքային աշխատող է: Սակայն նա գործնականում ցույց տվեց, որ կարելի է հասնել ավելի բարձր ցուցանիշների: Երբ արտադրության մեջ ներդրվեց նրա նորարարական առաջարկությունը, գործարանում խնայվեց մեծ քանակությամբ թանկարժեք մետաղ: Այդ նորարարության միջոցով նույնքան էլեկտրաէներգիա ծախսելու դեպքում զգալիորեն ավելացավ թողարկվող արտադրանքը և բարձրացավ ստացվող մետաղի որակը:

Ագիտատոր ընկ. Փիլթակյանը, որը նախօրոք լավ էր պատրաստվել այդ գրույցի անցկացմանը, կենդանի օրինակներով ցույց տվեց, թե ինչպես նորարար Ավագյանի առաջարկությամբ աշխատող յուրաքանչյուր ագրեգատ, տարեցտարի ավելացնում է արտադրական կարողությունը:

Կանգ առնելով հոմքի խնայողության վրա, ընկ. Փիլթակյանը բերում է ռացիոնալիզատոր Ա. Սմբատյանի առաջարկությունը, որի ներդրմամբ ցեխը 1954 թվականի ընթացքում տնտեսել է 22.600 ուտրլի: Իսկ ավագ ինժեներ Ա. Սաֆարյանի ռացիոնալիզատորական առաջարկի կիրառումով տրնտեսվել է 15 տոննա թանկարժեք հոմք:

— 31 —

Ագիտատորի ուշադրութեանից չեն վրիպում նաև հերթափոխութեանում դեռևս գոյութիւն ունեցող այն թերութեանները, որոնք խոչընդոտ են հանդիսանում արտադրութեան հետագա վերելքին: Այդ կապակցութեամբ, հրավիրելով ունկնդիրների ուշադրութիւնը, նա հատուկ սրութեամբ քննադատում է գործում թերացողներին, որոնց վատ աշխատանքը պատճառ է դառնում առանձին բրիգադաների կողմից օրվա պլանների թերակատարմանը:

Իր ագիտացիոն զրույցը ավելի ներգործուն ու համոզիչ դարձնելու նպատակով, առժամանակ ընդհատելով իր ասելիքը, նա իր հերթափոխի բանավորներին դուրս բերելով սենյակից, հրավիրում է նրանց այն ագրեգատների մոտ, որոնց սպասարկողները անցած օրը չրիվ չէին կատարել իրենց առաջադրանքները: Ագիտացիոն փորձը զուգակցելով պրակտիկ աշխատանքի հետ, ընկ. Փիլթակյանը ամենայն մանրամասնութեամբ վերլուծման է ենթարկում ու բացահայտում առանձին ընկերների կողմից պլանների թերակատարում տալու պատճառները, ապա պրակտիկ փորձով ցույց է տալիս դրանց վերացման մեթոդներն ու եղանակները:

— 32 —

— Այս բոլորից հետո, — ավարտելով իր զրույցը, ասում է ագիտատորը, — ամենից առաջ անհրաժեշտ է վերացնել թերութեանները և միաժամանակ հանդես գալ ռացիոնալիզատորական ու նորարարական համարձակ առաջարկութեաններով: Այդ առաջարկութեանները արտադրութեան մեջ արմատավորելով, մենք կհասնենք մեր առջև դրված խնդիրների կատարմանը և պատվով դուրս կգանք հնգամյակը չորս տարում կատարելու համար ծավալված սոցիալիստական մրցութիւնից:

ՀՈԳԱՏԱՐՈՒԹՅՈՒՆ ԺՈՂՈՎՐԴԻ ՀԱՆԳՍՏԻ ՈՒ ԱՌՈՂՋՈՒԹՅԱՆ ՆԿԱՏՄԱՄԲ

(Թվեր և փաստեր)

Կոմունիստական սրարտիան և Սովետական կառավարությանը ամենօրյա հոգատարություն են ցուցաբերում աշխատավորության առողջությունը պահպանելու և նրա կուլտուրական հանգիստը կազմակերպելու ուղիները: Դրա լավագույն արտահայտությունն է սովետական կողմից ամեն տարի բազմաթիվ սանատորիաների և հանգստյան տների, առողջարանների ու բուժ-հիմնարկների ցանցի ընդարձակումը:

★ Մինչև 1954 թվականի դեկտեմբերի մեկը Հայկական ՍՍՌ սանատորիաների և հանգստյան տների ուղեգրեր են ստացել 12 հազար 138 բանվոր, ծառայող և կոլտնտեսական: Երեխաներով մայրերից 800 հոգի հանգստացել են Մադկաձորի մոտ և մանկան հանգստյան տանը:

★ Սովետական Հայաստանի աշխատավորները հանգրտանում ու բուժվում են Սոչիի, Գաբրիի, Յալթայի, Պյատիգորսկի և Սովետական Միության լավագույն սանատորիաներում: Հազարավոր բանվոր-ծառայողներ ամեն տարի հանգստանում ու բուժվում են

— 34 —

նաև ռեսպուբլիկայի սանատորիաներում և հանգստյան տներում, ինչպես, օրինակ, «Ջերմուկ»-ի, Կիրովականի, Դիլիջանի, Արզնիի սանատորիաներում:

★ 1954 թվականի ընթացքում միայն գունավոր մետալուրգիայի բանվորների պրոֆմիության ռեսպուբլիկական կոմիտեն, միության անդամների և նրանց երեխաների սանատորիական բուժումն ու հանգիստը կազմակերպելու նպատակով, ծախսել է ավելի քան 1 միլիոն 400 հազար ռուբլի: Պրոֆմիության 390-ից ավելի անդամներ ստացիոնար բուժում են ստացել Կիսլավոդսկի, Յիսլուպոլի, Ժելեզնոպոլսկի, Էսենտուկի, Մոչիի, Յալթայի, Միսխորի, Պյատիգորսկի, Բորժոմի, Արզնիի, Ջերմուկի, Գաբրիի և այլ սանատորիաներում:

★ Նույն պրոֆմիության անդամներից 765 հոգի և ղեկ են հանգստյան տներում, իսկ ձեռնարկություններին կից գիշերային սանատորիաներում հանգստացել է 600 մարդ: Պրոֆմիության 22 անդամներ օգտվել են տուրիստական ուղեգրերից: Նույն պրոֆմիության անդամների 1050 երեխաներ իրենց հանգիստն անց են կացրել ամառային ճամբարներում: «Կղզի-դաշ» սեփական հանգստյան տանը հանգստացել են հարյուրավոր հանրագործներ:

★ 1954 թվականի ամռանը Հայկական ՍՍՌ անտառային և թղթի արդյունաբերության աշխատողների պրոֆմիության ռեսպուբլիկական կոմիտեի ճամբարներում իրենց հանգիստն են անցկացրել Մոսկվայից, Կարելյո-Ֆիննական ռեսպուբլիկայից, Լենին-

— 35 —

գրադի մարզից, Արխանգելսկից, Կոմի ԱՍՍՌ-ից և այլ տեղերից եկած 150-ից ավելի երեխաներ:

★ Անցյալ տարի Հայաստանի Շինանյութերի արդյունաբերության աշխատողների պրոֆմիության ղեկավարի կազմակերպության կոմիտեն միության անդամների և ներառյալ երեխաների բուժումն ու հանգիստը կազմակերպելու համար ծախսել է 269 հազար 184 ռուբլի:

★ 1954 թվականին Կոմունալ տնտեսության աշխատողների պրոֆմիության ղեկավարի կազմակերպության կոմիտեի կողմից սանատորիա է ուղարկված 129 մարդ, որից 92-ը բանվոր, 37-ը՝ ինժեներա-տեխնիկական աշխատող ու ծառայող: Հանգստյան տներում են եղել պրոֆմիության 273 անդամներ, մանկական սանատորիաներում՝ 30 երեխա, իսկ 394 երեխաների համար կազմակերպվել են ամառային ճամբարներ:

★ Անցյալ տարի ամռանը Նրևանի Կիրովի անվան գործարանի Մադկաձորում գտնվող հանգստյան տանը իրենց ամառային արձակուրդը անցկացրին ավելի քան 300 բանվորներ ու ինժեներա-տեխնիկական աշխատողներ և 500 երեխաներ:

★ Էլեկտրակայանների և էլեկտրաարդյունաբերության աշխատողների պրոֆմիության ղեկավարի կազմակերպության կոմիտեն 1954 թվականին 210 բանվորների, 240 ինժեներա-տեխնիկական աշխատողների ուղարկել է Միոթենական և տեղական նշանակություն ունեցող սանատորիաներ հանգստանալու և բուժվելու: Բացի այդ, 80 բանվոր-ծառայողներ սանատորիական ուղևորներ

— 36 —

ստացել են անվճար: 550 բանվորներ և ծառայողներ իրենց ամառային հանգիստն անց են կացրել հանգստյան տներում, 35-ը օգտվել են տուրիստական ուղեգրերից: Պրոֆմիության անդամների 600 երեխաներ հանգստացել են պիոներական ճամբարներում:

★ Թժկական աշխատողների պրոֆմիության ղեկավարի կազմակերպության կոմիտեն 1954 թվականին ավելի քան 300 բժիշկների և բուժօգնականների ուղարկել է Արզնի, Դելիջան, Էսենտուկի, Կիսլովոդսկ, Սոչի, Զելյոն-նի Միա, Պյատիգորսկ, Յիսարտուբո, Սակի, Ախալի Աֆոնի, Գաբրի, Ժելեզնովոդսկ և այլ սանատորիական վայրերը: 540 բժկական աշխատողներ հանգստացել են հանգստյան տներում: Թժկական անձնակազմի 600-ից ավելի երեխաներ մեկնել են ամառային ճամբարներ:

★ Կուլտուրայի աշխատողների ղեկավարի կազմակերպության կոմիտեն 1954 թվականի ընթացքում 317 աշխատողների ուղարկել է սանատորիաներ, 786 մարդու ապահովել է ղեկավարի կազմակերպության հանգստյան տների և 49 հոգու՝ տուրիստական ուղեգրերով: Կուլտուրայի աշխատողների 1561 երեխաներ տարվա տարբեր ամիսներին բուժվել ու հանգստացել են մանկական սանատորիաներում և պիոներական ճամբարներում:

★ Սպառնկոպերացիայի աշխատողների արհմիության ղեկավարի կազմակերպության կոմիտեն անցած տարի միության անդամներից 122 հոգու սանատորիաների և հանգստյան տների ուղեգրեր տվեց: Նրանց երեխա-

— 37 —

ներից ավելի քան 250 հոգի ստացան պիոներական ճամբարի ու մանկական սանատորիայի ուղեգիր: Այդ ուղեգրերի մի մասը տրվել է անվճար:

★ Ավտոտրանսպորտի և խճուղային ճանապարհների աշխատողների պրոֆմիության ռեսպուբլիկական կոմիտեն, 1954 թվականի ընթացքում միության անդամներին և նրանց երեխաներին սանատորիաներ, հանգստյան տներ ու պիոներական ճամբարների ուղարկելու համար ծախսել է 175 հազար 410 ռուբլի: Բուժփողների և հանգստացողների ընդհանուր թիվը հասնում է 455 հոգու:

★ Կայն սպառման ապրանքների արդյունաբերության աշխատողների պրոֆմիության անդամներից անցյալ տարի 526 հոգի ստացել են սանատորիաների ուղեգրեր, իսկ 932 հոգի հանգստյան տների ուղեգրեր:

Միաժամանակ նույն պրոֆմիության անդամների երեխաներից 1500 հոգի անցյալ տարի իրենց ամառային հանգիստը անցկացրին Մադկաձորի ու Կիրովականի պիոներական ճամբարներում: Նրանցից 150-ը Հայրենական պատերազմում զոհվածների և հաշմանդամների երեխաներ են:

ՄԻՋԱԶԳԱՅԻՆ ԹԵՄԱՆԵՐ

ԱՄՆ-Ի ՔԱՅՔԱՅԻՉ ԳՈՐԾՈՒՆԵՈՒԹՅՈՒՆՆԵՐ ԴԵՄՈՒՐԱՏԱԿԱՆ ՊԵՏՈՒԹՅՈՒՆՆԵՐԻ ԴԵՄ Ա. ԲՈՐԹՈՎԱԿԻ

Տարեցտարի ավելի է ամրապնդվում և նոր ուժերով համալրվում Սովետական Միության ու Չինական Ժողովրդական Ռեսպուբլիկայի կողմից գլխավորվող սոցիալիզմի ու դեմոկրատիայի համաշխարհային լագերը: Ժողովրդա-դեմոկրատական պետությունները Սովետական Միության հղբայրական և անշահախնդիր օգնությամբ, հաջողությամբ զարգացնելով էկոնոմիկան և կուլտուրան, բարձրացնելով իրենց ժողովուրդների բարեկեցությունը, վստահորեն առաջ են ընթանում սոցիալիզմի ուղիով:

Սոցիալիստական խաղաղ շինարարության մեջ Սովետական Միության, Չինական Ժողովրդական Ռեսպուբլիկայի ու սոցիալիզմի լագերի մյուս երկրների կողմից ձեռք բերված հսկայական հաջողությունները կատաղի զայրույթ են առաջ բերում իմպերիալիստական լագերում և առաջին հերթին Ամերիկայի Միացյալ Նահանգների ագրեսիվ շրջաններում: ԱՄՆ-ի կառավարող շրջանները բա-

ցեիբաց կանգնել են նոր պատերազմի նախապատրաստման ուղու վրա, համաշխարհային տիրապետություն նվաճելու նպատակով:

ԱՄՆ-ը հատկապես ակտիվ քայքայիչ աշխատանք է տանում սոցիալիստական լազերի երկրների դեմ, ցինիկաբար հայտարարելով այդ երկրներն «ազատագրելու», այսինքն՝ այնտեղ հաստատված սոցիալիստական ու դեմոկրատական կարգերը լիվլիդացնելու և նորից այդ երկրների ժողովուրդների վզին կապիտալիստական ռեժիմ փաթաթելու իր ձգտման մասին:

Այս նպատակով ԱՄՆ-ի կառավարող շրջանները տենդորեն կազմակերպում են ամեն տեսակ ագրեսիվ բլոկներ ու միություններ, կնքում են միակողմանի պայմանագրեր ու պակտեր, որոնց սուր ծայրն ուղղված է խաղաղասեր ժողովուրդների դեմ: ԱՄՆ-ը և նրա պարտնյորները Եվրոպայում ստորագրեցին փարիզյան համաձայնագրերը, որոնք նախատեսում են գերմանական միլիտարիզմի վերածնունդը և նրա ներգրավումը հյուսիսատլանտյան ագրեսիվ բլոկի մեջ՝ որպես հարվածային ուժի: Ասիայում ամերիկյան իմպերիալիստները կազմակերպել են Հարավ-Արևելյան Ասիայի երկրների ագրեսիվ բլոկ (ՍԵԱՏՕ), շնայած նրան, որ ասիական

— 40 —

այնպիսի խոշոր երկրներ, ինչպիսիք են Հնդկաստանը, Ինդոնեզիան, Բիրման, հրաժարվեցին մասնակցել այդ բլոկին: Հարավային Կորեայում ԱՄՆ-ը պաշտպանում է իր Սին Մանի ֆաշիստական կլիկը, Հարավային Վյետնամում հենվում է Բաո Դայի դավաճանական կլիկի վրա: ԱՄՆ-ը բացեիբաց պաշտպանում է չին ժողովրդի կողմից վոնդված Չան Կայ-շիի հանցավոր բանդան: Բավական է ասել, որ շահակաշխական կլիկի հետ ԱՄՆ-ի կնքած ռազմական պայմանագիրը նախատեսում է ԱՄՆ-ի ուղղակի ռազմական միջամտությունը Չինաստանի ներքին գործերին:

Դեմոկրատական պետութայունների դեմ ուղղված ամերիկյան իմպերիալիստների հանցագործ դիտավորութայունների մեջ հատուկ տեղ է գրավում լրտեսական քայքայիչ գործունեութայունը:

Լրտեսական գործունեութայունը ղեկավարում է ԱՄՆ-ի Կենտրոնական հետախուզական վարչութայունը, որի գլուխ կանգնած է հետախուզութայան գալ Ալլեն Դալբեր:

Ներկայումս ամերիկյան հետախուզական օրգանները արտակարգ մեծ հետաքրքրութայուն են ցուցաբերում Չինական ժողովրդական Ռեսպուբլիկայի նկատմամբ: Ամերիկյան ագրեսորները լրտեսական բազաների

— 41 —

մի ամբողջ սիստեմ են ստեղծել Հարավային Կորեայում, Յապոնիայում, Հոնգկոնգում, Ֆիլիպիններում: Հետախույզների ուսուցման դպրոցներ և լրտեսական կենտրոններ են ստեղծված նաև Տայվանում, որտեղից լըրտեսները, դիվերսանտները և տեղորոշողները ուղարկվում են Չինական Ժողովրդական Ռեպուբլիկայի տերիտորիան:

1954 թվականի նոյեմբերի 23-ին Չինական Ժողովրդական Ռեպուբլիկայի Գերագույն Ժողովրդական դատարանի ռազմական տրիբունալը դատավճիռ կայացրեց ամերիկյան 22 լրտեսների գործով, որոնցից 13-ը ամերիկացիներ էին, իսկ 9-ը չինացիներ: Այս հանցագործները երկու լրտեսական խմբերի մասնակիցներ էին: Առաջին խումբը ղեկավարում էր գնդապետ Զոն Նոկա Աոնոդզկրոտերը՝ մատակարարման և կապի ամերիկյան 581-րդ ավիաբերիգադիայի հրամանատարը: Երկրորդ խումբը ղեկավարում էին ամերիկյան կենտրոնական հետախույզական վարչության հատուկ գործակալներ Զոն Թոմաս Դատունին (նույն ինքը՝ Զեկ Դոնովեն) և Ռիչարդ Զորջ Ֆեկտոն:

Ամերիկյան լրտեսների դատապարտումը արժանացավ չին ժողովրդի և բոլոր խաղաղասեր ժողովուրդների միահամուռ հավա-

— 42 —

նովթյանը: Սակայն ամերիկյան ռեակցիան կատաղի ոռնոց բարձրացրեց: Հետքերը կորցնելու նպատակով ԱՄՆ-ի պետական ղեկարտամենտը շուտափույթ կերպով մի վերսիս հնարեց, թե դատապարտված ամերիկյան լրտեսները իբր լրտեսներ չեն, այլ «Միավորված Ազգերի զինծառայողներ»: Այս պնդման կեղծովթյունը ամբողջովին մերկացվեց, երբ մամուլում հրապարակվեցին դատավարության նյութերը և հենց իրենց՝ լրտեսների ցուցմունքները:

Գնդապետ Աոնոդզն, օրինակ, դատարանում ցուցմունք տվեց, որ ԱՄՆ-ի կենտրոնական հետախույզական վարչությունը ինքնաթիռներով Չինաստան էր ուղարկում ամերիկյան գործակալ-դիվերսանտներ, և զենք մատակարարում նրանց, իսկ առաջադրանքը կատարելուց հետո նրանց տեղափոխում էր Յապոնիայի և Ֆիլիպինների ամերիկյան բազաները:

Մի ուրիշ ամերիկյան լրտես՝ Դատունին, այն հարցին, թե՞ «Ի՞նչ ուսուցում եք դուք անցել» — հայտարարեց. «Ես անցել եմ այնպիսի ուսուցում, որն անհրաժեշտ է լրտեսին: Ինձ սովորեցնում էին զենք գործածելը, մանր ստորաբաժանումների տակտիկան, դիվերսիա կազմակերպելը, պայթուցիկ նյու-

— 43 —

թերի գործադրման եղանակները, հետախուզութիւն, ռադիոտեխնիկա, պարաշոտութիւն, առանց զենքի գործադրման մարտավարել, աշխարհագրական քարտեզներ կարդալ և այլն»։ Դատարանում նման ցուցմունքներ տվեցին նաև ամերիկյան մյուս լրրտեաները։

Վերջին ժամանակներս Չինական Ժողովրդական Ռեսպուբլիկայում հայտնաբերվել և անվտանգ են դարձվել ամերիկյան լրտեսութեան շատ բներ։ Ֆուցզյան գավառում անվտանգ դարձվեց ամերիկա-չանկայ-շիական գործակալների մի մեծ շաշկա, որը հետախուզական տվյալներ էր հավաքում և դիվերսիաներ կատարում գավառի առափնյա շրջաններում։

Ամերիկյան լրտեսութեան խոշոր կենտրոն հայտնաբերվեց նաև Շանհայում։ Այդ կենտրոնի ղեկավար էր Պրենաքս Ռեդմոնդը (նույն ինքը՝ Ջերոմ Ստրոչեր, լրտեսական մականունը՝ «Էվկլիդ») և նրա համհարգները տեղեկութուններ էին ձեռք բերում պաշտպանական կառուցումների, Լյաոդուն թերակղզու վրա գտնվող ռազմա-ծովային և ռազմա-օդային ուժերի, Վամպու գետի վրա գտնվող ռազմականների կրակային հզորութեան, Հյուսիս-Արևելյան և Հյուսիսային Չինական

— 44 —

նաստանի ռազմական արդյունաբերութեան մասին։

Արդյունաբերական ձեռնարկութեաններում քայքայիչ աշխատանք տանող ամերիկյան լրտեսների և դիվերսանտների հանցագործ բներ մերկացվեցին Տյանշանում, Տյանցզինում և Ֆուշունում։ Ինչպես նշում է չինական «Ժենմինժիբաո» թերթը, այդ ամբողջ լրտեսական գործունեութեանը անմիջական կապ ունի Չինական Ժողովրդական Ռեսպուբլիկայի նկատմամբ ԱՄՆ-ի կառավարող շրջանների ունեցած ագրեսիվ պլանների հետ։

Ամերիկյան հետախուզութեան պլաններում մեծ տեղ է գրավում քայքայիչ աշխատանքի կազմակերպումը Գերմանական Դեմոկրատական Ռեսպուբլիկայի դեմ։

Արևմտյան Գերմանիայում և Արևմտյան Բեռլինում, օրինակ, ամերիկյան միջոցներով և ԱՄՆ-ի հետախուզութեան ղեկավարութեան տակ աշխատում են բազմաթիվ լրտեսական և դիվերսիոն կազմակերպութեաններ։ Արևմտագերմանական բուրժուական «Ֆրանկ-ֆուրտեր ալգեմեյնե» թերթը «Գաղտնի կազմակերպութեանների ընդհատակյա պատերազմը» հոդվածում տաղնապով նշում է, որ Արևմտյան Գերմանիան դարձել է այդ լր-

տեսական կազմակերպությունների հանցավոր գործունեության թափերաբեմ:

Արևմտյան Գերմանիայում ամերիկյան հետախուզության ղեկավարության մեջ ստեղծված է խոշորագույն լրտեսական կենտրոն, որը հայտնի է որպես «Գելենի կազմակերպություն»: Նրա գլուխ է կանգնած նախկին նացիստական զեներալ-հետախույզ Ռեյնհարդ Գելենը:

Հենց ամերիկյան հետախուզության հրամանով այս կազմակերպության կողմից ուղարկված պրովոկատորները 1953 թվականի հունիսի 17-ին Բեռլինում փորձեցին կազմակերպել սաբոտաժի պրովոկացիոն ակտեր: Ինչպես հայտնի է, այդ փորձը խայտառակ կերպով տապալվեց:

Փաստերը ցույց են տալիս, սակայն, որ բեռլինյան պրովոկացիայի ձախողումը ոչինչ չսովորեցրեց նրա կազմակերպողներին: Անցած տարվա նոյեմբերին ԳԴՄ-ի Գերագույն դատարանը քննեց Գելենի լրտեսական կազմակերպության յոթ գործակալների գործը: Դատարանում հաստատվեց, որ մեղադրյալներ Կ. Բանդելովը և Ի. Միզերան Գելենի կազմակերպությանն էին հանձնում վարձարագույն փաստաթղթերի հազարավոր նկարներ: Պատերազմի ժամանակ այդ գործակալները պետք է ցույց տային ամերիկ-

— 46 —

յան ռազմակոծիչներին ռազմկոծման նպատակակետերը: Բակտերիոլոգիական զենքի օգտագործման դեպքում նրանք պետք է հաղորդեին ԳԴՄ-ում համաճարակի տարածման մասին:

Մեղադրյալները ցուցմունք տվեցին, որ Գելենի կազմակերպությունը ամերիկացիների առաջադրանքներով լրտեսությամբ է զբաղվում նաև Սովետական Միության, Լեհաստանի, Չեխոսլովակիայի և խաղաղասեր մյուս երկրների դեմ: Գելենի գործակալների լրտեսական և դիվերսիոն գործունեությունը նպատակ ունի տնտեսապես թուլացնել Գերմանական Դեմոկրատական Ռեսպուբլիկան, խախտել նրա հատարական կարգը և պատերազմ նախապատրաստել ԳԴՄ-ի դեմ: 1953—54 թվականների ընթացքում Գելենի կազմակերպության հարյուրավոր գործակալներ ձերբակալվեցին, շատ գործակալներ տեսնելով իրենց հանցագործ աշխատանքի անմտությունը, իրենք հանձնվեցին ԳԴՄ-ի անվտանգության օրգաններին:

1955 թվականի հունվարի 3-ին Լեհաստանի մամուլի գործակալությունը հայտնեց, որ Արևմտյան Բեռլինում Գելենի կազմակերպության հետախուզական կենտրոնի պետի նախկին տեղակալ Ֆրանցիշեկ Նեյդբաուերը հանձնվել է Լեհական Ժողովրդական ռե-

— 47 —

պուրլիկայի իշխանութիւններին: Նա հաս-
տատեց ԳՊՌ-ում բանտարկւած լրտեսների
ցուցմունքները և ցույց տվեց, որ Միացյալ
Նահանգների հետախուզութիւնը «ֆինան-
սավորում է Գելենի կազմակերպութեանը և
հանձնարարում է նրան լրտեսական ինֆոր-
մացիա հաւաքել, մասնավորապես Լեհաս-
տանի մասին»:

Լալնտրեն, հայտնի են Չեխոսլովակիայի,
Հունգարիայի, Բուլղարիայի, Ռումինիայի և
Ժողովրդական դեմոկրատիայի այլ երկրների
դեմ ամերիկյան հետախուզական օրգաննե-
րի լրտեսական և դիվերսիոն գործունեու-
թյան փաստերը: Միայն Չեխոսլովակիայում
վերջին տարիներս անվտանգութեան օրգան-
ները բնակչութեան օգնութեամբ մերկացրել և
ձերբակալել են ավելի քան 1.200 լրտես և
դիվերսանտ:

Սովետական Միութեան, ինչպես նաև Ժո-
ղովրդական դեմոկրատիայի երկրների աշ-
խատավորները արթուն կերպով հետևում են
ամերիկյան ագրեսորների մեքենայութիւն-
ներին, ուժեղացնում են իրենց զգոնութիւնը,
վճռական հակահարված են տալիս մեր խա-
ղաղ ստեղծագործական աշխատանքը խան-
գարող իմպերիալիստների բոլոր և ամեն
տեսակի փորձերին:

СОДЕРЖАНИЕ

	Ст.
Материалы для бесед	
А. МАТЕВОСЯН.—Шире внедрим куку- рузу в колхозное производство	1
К 50-летию первой русской революции	
М. НИКОЛАЕВ.—События 1905 года за Невской заставой	10
Из опыта агитационной работы	
Г. ТАТЕВОСЯН.—Агитколлектив в борьбе за высокий урожай	19
Г. МОВСЕСЯН.—Внедряется опыт пере- довигов	28
Используй во время беседы	
Забота об отдыхе и здоровье народа (циф- ры и факты)	34
Международные темы	
А. БАБРОВСКИЙ.—Подрывная деятель- ность США против демократических государств	39
Новые книги	50



ՆՈՐ ԳՐՔԵՐ

Հայկեստեանի հրատարակութեամբ լույս եմ տեսել.
Ա.Լ. ՏՈՒՍՏՈՅ— «Ոսկե բանալին կամ Բուրատինոյի
արկածները»: Գինը 3 ռ. 65 կ., 108 էջ, տիրած 10000:
Եղիշե ՉԱՐԵՆՑ— «Լենին»: Գինը 3 ռ. 05 կ., 48
էջ, տիրած 10000:

Կ. ՅԵԴԻՆ— «Առաջին բերկրանը»: Գինը 7 ռ. 35 կ.,
448 էջ, տիրած 5000:

ԳՈՒՐԳԵՆ ՄԱՀԱՐԻ— «Երկեր» գինը 9 ռ., 512 էջ,
տիրած 10000:

ՎԻԳԵՆ ԽԵՉՈՒՄՅԱՆ— «Մեզ մոտ հարաւում»: Գի-
նը 8 ռ. 10 կ., 488 էջ, տիրած 5000:

ՍԵՐՈ ԽԱՆԶԱԴՅԱՆ— «Որոտանի կիրճում»: Գինը
65 կ., 28 էջ, տիրած 5000:

Ձ. Դ. ԲԵՌՆԱԿԼ— «Գրտութեանը և հասարակայնու-
թեանը»: Գինը 7 ռ. 20 կ., 441 էջ, տիրած 4000:

Խմբագիր՝ ԳՐ. ՊԵՏՐՈՍՅԱՆ

Отдел Пропанды и агитации
ЦК КП Армении
БЛОКНОТ АГИТАТОРА
№ 6 1955 г.

ՎՖ 08826

Պատվեր 266

Տիրած 8250

ՀՍՍՌ Կուլտ. միջխտրութեան հրատարակչութեանը
և պոլիգրաֆ արդյունաբերութեան գլխավոր վարչու-
թեան № 2 տպարան, Երևան, Կոմունիստների № 8,
1955 թ., գինը 50 կոպ.